

LUSUS POETICI

OLIM

Pam 63

11408C. 82

CONSCRIPTI, 1-8

A. T. B. è C. C. C. Oxon. Discipulo.

— *Illo me tempore dulcis alebat*
Parthenope, Studiis florentem ignobilis otî.



LONDINI:

Typis GUL. BOWYER. MDCCXX.

1. MICROSCOPIUM,
 2. CERTAMEN GLACIALE.
 3. GALLORUM PUGNATIUS
 4. FUNAMBULI.
 5. MACHINA PNEUMATICA.
- ODE, ad SOMNUM.





MICROSCOPIUM,

Dædaleas Naturæ artes, quas prodiga rebus
 Lufit in exiguis; quam miris semina florum
 Folliculis servat; quo poplite crura lacer-
 tosque

Alligat insectis; quali lanugine parcas
 Vestit apes, teneris intexens serica pinnis;
 Quos mores & quæ pugnacibus addidit arma,
 Loricæ galeasque & non imitabile textum,
 Aggrediar. Dudum hos oculos latuere superbos
 Egregiæ infra nos gentes ludibria quondam,
 Nunc hominum invidiam mutatâ sorte lacescunt;
 Hookeias ex quo per *lentes* tempore visæ
 Induerint magnos artus & vix sua membra.

Ecce animal—quid si versu intractabile nomen?
 Notior haud sua cuiq; coma est; quam dirus oberrat
 Indigena: induitur testâ, quæ pressa fatiscit
 Cum crepitu: mediâ surgunt duo cornua fronte:
 Hæc præeunt, interque comas immissa sonantes;
 Ante parant aditum; via ne sylvestris eunti
 Impediat gressus, oculos aut radat inermes.
 Sex femora ad mediam coeuntia subligat alvum,
 Longa quibus crurum series demittitur æquos
 Juncta per articulos; subtusque plicatilis unguis
 Se legit in pugnum, complexuque obvia prensat.
 Hujus ab arte fugax, siquando lethifer instat
 Morfibus excitus pollex, se condit in umbras
 Præcipitem, lapsus per crinem, artusque repente
 Colligit in nodos, & inextricabilis hæret:
 Aut patriam linquens tergi vagus exulat oris,
 Atque alium ducit mutatâ gente colorem.

Carmine quo formam celebrem tuaque hispida
 membra,
 Provida APES, pacis cupiens, nec frigidâ pugnâ
 Bellatrix? caudâ se promit aculeus imâ
 Cæca venena ferens, & versis obsitus hamis,
 Fucorum in costis nunquam revocabilis hæret.
 Grandior in vitro, Crabronis & æmula surgis:
 Nec tamen ingentes furas tibi mella, rapinæ
 Hortorum egregiæ, complent, nec odora thymi vis.
 Quî tamen, O superans *Chymistas* igne potentes,
 Floribus insidens mellis secernis olentem

Mate-

Materiam, & lacrymas Narcissi, & furta rosarum
Dulcia? quî totidem succos in amabile nectar
Conciliat, Ganymede prior Bacchive ministris?

Quorsum oculos avertis? *Aranea* tanta veneno
Non tumet; à vitro largos se tollit in artus.
Ut caput angustum, nec in ullam flexile partem,
Inseruit natura humeris! ut lumina septem
Transtulit in tergum, mirumq; locavit in orbem,
Tot *Microscopia*, ad speculandum siqua feratur
Musca sub occultæ stridens confinia telæ!
Qualis ubi irradiat stellatus iaspide crebrâ
Annulus, a quâvis tremulâ cum luce retortæ
Scintillæ instabiles subtus laquearia ludunt.

Aspice juncturas crurum per mutua nexas,
Parvus & ad genuum tumet internodia poples.
Utitur his opifex, ubi vesperis hora vocarit
Et sarcine dolos, & hiantia cogere lina,
Retiave in foribus pendentia texere filis
More rotæ positis, nectentem singula nodo,
Nec muscas missura senes, nec pervia parvis.

Cum semel illapsam prædam trepidantia longe
Fila monent, sparsamque in dorso musca colorum
Luxuriem ostentat, totoque effulget in auro,
Divitiis celerans sua funera; percita longe
Spe spolii atque dapum venatrix exit ab antro,
Effera, collecto spirans lugubre veneno;
Et pressa in tremulis saliunt vestigia filis.
Respicit hæc: hostis cum protinus implicat uncus

Circum-

Circumfusa pedes: nequicquam viribus impar
 Musca reluctatur, venientique objicit omnes
 Naturæ phaleras & inutile pectoris ostrum,
 Nescia certandi; nequicquam retia quassat
 Sæpius assurgens; toties revoluta recumbit
 Complexu in misero, & longâ sub morte laborat.
 Defunctæ exuviis victrix saturata trophæum
 Instruit: in foribus speluncæ ex ordine figit
 Cruraque, & avulsum caput, incoëtoque nitentes,
 Murice adhuc humeros; necdum alis purpura lan-
 guet.

O formâ insigni præstans! neque pulchrius ullum
 Te volat insectum, aut tanto se vestiit ostro.

Proxima sorte tenens *Bombyx* loca, serica jactat
 Licia; nec telis ideo contendat *Aracnes*.
 Stamen ab ore trahens & circum terga revolvens,
 Continuum exhaurit jecur ac fœcunda tapetis
 Ilia, dum penitus latet inter fila, suisque
 Providus exequiis funebrem texit amictum.
 Sic animam in telas vomit, inductisque sepultus
 Conditur aulæis, nec curat marmora regum:
 Donec in effigiem tineæ revolutus in auras
 Redditur, ut plures nascendas vere futuro
 Textrices pariat, stirpemque reponit in ovis.

Non secus INSECTIS redit omnibus annua proles
 Per ternos nixus: vernum eluctantur ab ovis
 Semianimi vermes sub tempus, & hos calor aliis
 Induit, ac æstas pubentibus elicit ova,

Ova revertenti parientia vere nepotes.

Sic *Scarabæus* humum, terno aliger ordine partûs,

Linqvit, & in geminam *Tineæ* rediere juventam.

Musca prius vermis formam gerit, ante repostis

Quam tota exuviis laxas exerceat alas.

Sic & maternum vermem jam stridula pinnis

Rumpit *Apes*, sic in volucrem se reptilis edit

Papilio, inque aliam reficit se *Vespa* figuram,

Ac consanguineus *Crabro*, scissasque renatæ

Sæpius in dumis tunicas liquere *Cicadæ*.

Nec mortem interea penitus patiuntur, at inter

Deliquium incessit nascentibus, usque volantum

Dum genus induerint, & se mirentur in alis.

Quas in crystallos *SALIS* humida grana nitentes

Fundit, inexhaustis ludens *Natura* figuris!

Nunc quadræ facies, talusve volubilis exit;

Nunc & acus cuneique, & longi forma cylindri,

Innocuique enses, & acutâ stiria barbâ,

Artificis monumenta manus: nunc ordinis edit

Immemor informes *Rhombos*, & iniqua *Scalena*,

Mancaque *Conorum* capita, & sine nomine *Frustum*.

Cuique suum varians discrevit forma saporem:

Dulce gulam mulcens translabitur; acre palatum

Vulnerat & rasæ querebunda foramina linguæ.

Hinc vires medicis notæ, quid destinet ægris

Vitrioli gravis haustus; ut ilia laxet *Alumen*;

Armonii ut nares tentantibus occupet acer

Spiritus; & lacrymis frustra risere coactis.

Fas etiam HUMORUM vitro comprehendere formas:
 Quo mihi caupones ad pœnas prodere cordi est,
 Sacrilegos Bacchi cultores, dolia baccis
 Inficere audentes, simulato nomine Divi;
 Grandius ut vinis pretium mendacibus addant.
 Scilicet explorem vitro, licet omnibus idem
 Miscuit insidias rubor, an vim simplicis uvæ
 Musta ferant, *fluido* propriam servante figuram,
 Mistave jejunove mentitur purpura vino.

Quisquis Apollineas artes usumque medendi
 Scire cupis, cernes CRUOR ut diductus ad ungues
 Mille per *arterias* totidem discurret in ora,
 Refluaque invertit ramosis flumina *venis*.
 Lentior his, nec quo rediens salit impete nec quem
 Imposito *venis* explores pollice pulsum.

Vidimus in cerebro NERVOS ab origine sparsos
 Arboris in morem, ac sitientia in ora legentes
 Fæce laboratum per millia vasa cruorem,
Spirituum fontes: nec visu gratior ulla,
 Quam quæ discisso *cerebello* apparuit arbor.

Vidimus, ut RAMI binâ propagine tensi
 Mollibus in fundis oculorum retia texunt.
 Et quibus in gyris nervus, cui munus in aurem
 Ferre sonos cecidit, *Conchæ* interiora pererrat
 Spiramenta cavæ, vocemque per antra volutat.
 Tum primum atq; *Stapes*, tenuisq; apparuit *Incus*,
 Contigua officula; ac, quasi plectrum, *Malleus* adstat,
Malleus assiduo percellens *Tympana* pulsu.

Sæpius

Sæpius HERBARUM naturas incidit ardor
 Per varias quæsisse Tribus ac nomina mille,
 Perque suas Classes florum genus ordine primo
 Semina in æstatis cum jam Natura pararit
 Adventum, circum foliis evincta volutis,
 Pabulaque immulget per hiantes lactea fibras.
 Miror, ut assidue in crescentia lilia pallor
 Serpit, & in violas rubor: aut maculosus ut ostro
 Fulgor inardescit foliis pictæque Tulipæ,
 Puniceique croci: aut aliis ut fimbria circum
 Funditur in dentes, laceratque venustiùs oras.
 Nec memorare vacat, quàm parvo è semine cæpe
 Creverit in caput; aut vigilantum in vota papaver
 Venturum: nondum foliis oblivia spargit.

An digner numeris URTICÆ ignobile gramen,
 Dedecus hortorum, nec honestas inter habendum
 Plantarum classes? tamen hoc quoq; carmine dignum.
 Hispida frons oculo, jaculisque armata propinquat,
 Ac subitò insurgit contra vegetabilis histrix.
 Amplius insidias nec jam extantèsque sagittas
 Dissimulat, natus digitis tractantibus hostis.
 Siquis enim folium tactu percurrere molli
 Audeat, ultrices infundit acumine succos
 Herba vnenata, & resilit cum vulnere pollex.

Ortus in annoso librorum tegmine MUCOR
 Fert tenues hortos, & amœna cubilia florum.
 Spongia fortuito se semine tollit, & unà
 Boletus cucumisque; acarisque errantibus escas

Quid ni sufficiant? quid ni sua nomina jactent,
 Alcinoosque suos? dum tu mantilia poscis
 Inscius heu! maculasque putas, unâque liturâ
 Funditus ignotis abstergitur hortulus herbis.

Tantum oculos GLANDIS paulisper forma moretur,
 Primitiæ quercûs: istâ sub pelle putandum
 Et truncum, & ramos, ramisque; increfcere frondes?
 Mille, aliam ex aliâ, materno in semine quercus
 Natura implicuit, pariendas quamque quotannis
 Glandibus ornatas foliisque, ac ligna daturas
 Usum in tectorum, malos aut puppibus altis.

Abstineas visûs, Opifex: FABRILIA quondam
 Æmula Naturæ tua, nunc quod rasile torno
 Seu quod in ære polis, opera allatura pudorem.
 Coelata argento ramos imitetur & umbram
 Vitis, & incisæ certent crescentibus uvæ:
 Fictile spiret opus, gratus potantibus error:
 Improba *Lens*, miranda prius, jam vulnera ferri
 Prodidit, & calicem duro ceu vomere cæsum:
 Frondeaque in turpes sulcos evanuit arbos.

Nec non virginibus moveas spectantibus iras;
 Picta ubi vestis, acûs labor indefessus, ubi omnis
 Ornatus capitis, se crassa in retia vertit,
 Retia sive fabis, seu caulibus apta coquendis.
 Tum si forte suos præcisos turpiter ungues,
 Squamosasque manus cernunt, setisque rigentes,
 Ut visum abrumpunt! tamen æquum in mente re-
 cursat

Judicium *Lentis*, scabræque opprobria pellis.

Ipsa acies *FERRI* quamvis nec læsa rigore est
Demessæ barbæ, tonsorque in cote subegit;
Manca tamen cæcis vacat interrupta lacunis,
Non minus ac lignis findendis fracta securis;
Aut ferræ argutos ostendens lamina dentes.

Cuspis *Acus*, opifex quam vix impune laceffit
Pollice virgineo, quæ linea texta figuris
Percurrit variis, nec stamina lædit eundo;
Nunc jaculi in molem se tollit, acumine trunco,
Poscentis limam, nec dudum incude politi.

Verum ad Te & tua facta, Parens Natura, re-
vertor;

Virtutes aperit vitrum Tibi, dedecus Arti.

Pulicis ante oculos magnis cum cornibus adstat
Hirtum ac torva tuens caput, & scelerata proboscis,
Quam cutis agnoscit stimulis terebrata cruentis.

Induit effigiem & salientis crura cicadæ:

Ocyor ac oculi conjectu, huc cominus atque huc
Lintea pervolitans digitis prensantibus exit.

Incensæ ancillæ; fuerit nisi tarda propinqui
Mole puerperii, aut pleno ebria sanguinis haustu.

Noctes atq; dies exercet furta, neque omnem
Æstatem improbulus sicarius otia norit.

Verùm, ubi venit hyems, simulatâ morte reponit
Se totidem in menses, duræque oblivia brumæ.

Olim etiam quendam vidi gessisse catenam
Auratam, ingentem, tercentum nexibus aptam:

Ac veluti ad mensam captivus Maurus herilem
 Barbaricam amittit virtutem, animósque feroces
 Degener, inscriptoque lubens dat colla monili,
 Aureaque oblitis inhiat miser atria sylvis:
 Vinculum ita fert gracilis fera, servitioque superbit
 Demens, ac tracto graditur jactantior auro.
 Neve fugam aggreditur, solitas nec lubrica fraudes:
 Nec subit in mentem libertas prisca vagandi
 Virgineâ in tunicâ, aut bipedalis gloria saltus:
 Cruraque degenerant choreas oblita priores.

Neve tuam licet antra foves, FORMICA, recondes
 Effigiem: admiror vultum: quid enim caput istam
 Fert galeam? nec pugnae habilis, nec idonea ca-
 stro es:

Ire laboratum, subque horrea cogere farra
 Hic amor est. Agnosco humeros, queis ferre solebas
 Grandia frumenta, aut longæ grave pondus avenæ,
 Dimidium messis: ferratos ordine dentes
 Comprimit os, onera ut vectantibus æquet in annos
 Dux operum, scindens humeris versatile pondus.

Ecce! ACARUM, veniens per viscera perque fideles
 Loricâ costas, acus (illætabile visu!)
 Tranfigit: ecquis & hos dolor, ecquæ commovet ira?
 Huc se torquet & huc, ac frendens dentibus, apri
 In morem, trans pectus ubi venabula figunt,
 Æstuat in vulnus: ter ferrum dentibus ardet
 Prendere nequicquam, ter circumflectere crurum
 Agmina: complexum nimiae fugit ambitus hastæ.

Aspice!

Aspice! ut articulos genuum mors frigida solvit,
 Unguiculiq; tremunt graciles! deinc colla reponens
 Fossam in caseolo moriens reminiscitur antrum.

Nam latere exeso situs inter dolia guttas
 Caseus excipiat; quo condita matribus ova
 Imbuet ad vivum penetrans liquor: ut redit æstus
 Vere novo, liquefacta domus vestigia vitæ
 Prodit, & in turmas Baccho se foeta resolvit.
 Millia perrumpunt tenues animalcula testas
 Nata Deo, stirpemque angusto in pectore narrant.

Vita fugax nimium: si carpant mane juventæ
 Gaudia, sub noctem grandævus occupat ætas;
 Nec triduum à tetrīs distant cunabula bustis.

At gens, fluxa licet, manet, hesternosq; parentes
 Jam vetulos colit, & biduam veneratur avorum
 Canitiem: his etiam *minimis* subit æmula priscæ
 Fama & facta domus, longæque superbia stirpis.

Forte & sint illis sua prælia, forte sub antris
 Gens struat oppidula, & graveolentes excavet urbes:
 Forte etiam leges condant, parvumque Senatum;
 Atque fora & Circos, parva & Capitolia norit:
 Foelix, heu nimium foelix! dum cuspide sævâ
 Inscius in partes opera inter talia culter
 Dividat imperium: frustra per proxima quærunt
 Effugium, aut pendent aulas & limina circum:
 Nam cum Consulibus mistisque Quiritibus omnis
 Eruta jejunam Respublica fertur in alvum.

Omnis & ANGUILLAS secum vehit haustus aceti,

Inno-

Innocuas, tenues: nostris in faucibus illæ
 Ignaræ exultant, acuuntq; in prandia ventrem,
 Tardaque sollicitant motis jejunia caudis.
 Ceu Cete (ut perhibent) pelagi dum fluctibus ingens
 Porrigitur, somnoque jacens extenditur undis,
 Pisciculûm errantûm per apertas agmina fauces
 Accipit: ast illi stomachi irremeabile claustrum
 Heu! fati immemores tranant, nec somnia turbant.

Cætera cui versu est comprehendere? nonne tu-
 mentes

Sæpe vides nodos, scabiemque aut ulcera credas
 Infecto innasci folio? gens tota sub istis
 Speluncis habitat, frondisque inclusa minutas
 Et venas bibit, & cunabula concava rodit.
 Sin tibi parca fides, surgentibus infode nodis
 Introitum, & latebras explora: millia cernes
 Luce intus trepidare novâ, sibi vîsa renâsci:
 Prose humeros ovisque, aliâ spe stirpis, onusti
 Exilium indigenæ subversâ gente sequuntur,
 Et fata in folii diverso tramite quærunt.

HÆC super INSECTIS: juvat hinc ingentis O-
 lympi,

Cœlicolumq; domos, loca foeta latentibus astris,
 Visere ope *Speculi*: juvat extra solis & anni
 Circuitus, cœlum procul explorare profundum,
 Rimarique novos mundos: quis sidera mecum
 Eruet, ac aliis calefactos solibus orbes?

Sæpe mihi libuit, steranti carmina vitro
Theſſala, diſtantem cœl deducere LUNAM,
 Quam clypeo abſimilemunc, exiguiſq; rotarum
 Orbibus! ipſa ingens, inentisq; æmula Terræ,
 Cum fluviis, ſcopulisq; magnis montibus adſtat.

SOL etiam ante oculos pelzis maculoſus, & ingens,
 Fumantemque globum torrentiaque æquora pandit,
 Et juxta horrificus tercentum exæſtuat Ætnis.

Errantum hinc nomen not poſuere PLANETÆ
 Curſibus: ipſe, dato reditus iſtramite fleſcit
Mercuriuſque, *Venuſque*, ac tados ultimus orbes
Saturnus volvens: tum ſciſſo cœne Cometa
 Ipſe Planetarum leges init, horridus olim
 Exlex Naturæ, fugiẽsque per æthera terror.
 Quanquam abit in cœlos extremeque avia noctis,
 Terribilem attondens caudam, exauſtamq; reponit
 Jam magis atq; magis: tamen ad lugubre peractō
 Orbe miniſterium redit è penetralibus imis
 Ætheris, & ſolem rotat illætabile circum
 Toſtus iter; ruruſque fugâ ſublapiſ in axem,
 Afflatumque polum tremefactaque ſidæa verrit.

Quatuor æquato revolutæ ex ordinē LUNÆ
 Imperium *Jovis* illuſtrant; quarum ocyus actis
 Interior gyris ſequiturque fugitque ſorores:
 Sic reliquæ, inter ſe miſcentes orbibus orbes,
 Perpetuam intexunt mentito errore choream.
 Qualis ubi indiſciis duodenis dividit *horas*
 Lamina, & inſcriptis alius datur ordo *minutis*,

Auto-

Automati in facie : bis sers ocyor explet
 Dum gyros *Index*, alata *inuta* secutus,
 Confortem toties mediis / cursibus instans
 Consequitur; jamjam tect, elapsusque relinquit
 Invigilantem *horis*, & æntem ignavius orbes.

Sin mihi tanta sequi ires, Natura, recusas,
 Ac magni HALLÆI cmitatu extrema sequentem
 Sidereas invisere opes, magna atria cœli;
 Pandere at in *tenui* piceat Tua dædala facta,
 Pandere inexhaustoservantia scrinia luxus,
 Luxus ultra operas legum, ultra carmina Vatum.

CERTAMEN GLACIALE.

Anglice SCATING.

I SIS, que fluvios pronâ Dea fundis ab urna
 Dura lœet juncos, ripis decus, annua tondent
 Frigora, nec superest adstantibus umbra salictis;
 At non onnis honos cessit: seu velut arundo
 Tempora, seu spoliarit hyems; seu laberis alveo
 Liberior, seu vineta gelu es; Te rite colemus
 Te, Dea: Tu nobis alternas gaudia, remi
 Si pulsu minus, at labentibus hospita plantis.

Jam quos aut ludi studium, aut violentia brumæ
 Impulit

Impulit, excursum super amnes agmina tentant
 Misti viris Juvenum: ac pueri vestigia ferre
 Per glaciem impavidi, vitreisque in pontibus audent.
 En! ubi longa cohors elabitur ordine pacto
 Hic puer ante alium: aut volitans sub verbere turbo
 Detinet intentos ludo: se reddit ad ictum
 Buxus, in orbe fugam curvans; aut vertice fixo
 Volvitur in sese, placidam mentita quietem.
 Dum pedis incertus multos confinia circum
 Error agit, querulique explorant gurgitis oras.

Sed jam fama novi Cursûs circum omnia fusos
 Stagna vocat: medio in conventu quinque parati
 Stant juvenes; imis vestigia lignea plantis
 Subjiciunt, ferrique acies insuta sub omnem
 Scindit iter soleam, & labendo flumina cælat:
 Scilicet hæc undis, usus imitata carinæ,
 Sulcat iter, strictis iter hæc, currentibus illa.
 Quisque loco nescit consistere: limina circum
 Huc atq; huc labuntur; & intertexta sequuntur
 Ludicra signa pedes, & non remeabilis error.
 Sæpe malo in fluviis inscribunt nomina amantum
 Omine: liquentur fluvii, liquantur amores.

Protinus ad signum certatim è sinibus unâ
 Effusi, longe ante agmen clamore sequentum
 Effugère, pedumque alternis ictibus ibant:
 Inq; fugam proni dant corpora; jamque sub auras
 Surgere, jamque humiles visâ procumbere campo,
 Signantesque oculis metam vix æquora libant

Lævia: non citius Paphiæ advexêre sagittæ
 Vulnera: non *Simois* citiorem vidit *Achillem*
 Scindentem fossas, & agentem fulmine *Troas*.
 Dumq; volant, crepitans ad ripas murmur euntum
 Labitur, & longæ per saucia stagna querelæ:
 Adstantumque cavis radunt stridoribus aures
 Vulnera rauca pedum, fixæque injuria calcis.
 Non secus ac adamantis apex ubi sculptile vitrum
 Scindit, inhærenti sub acumine ducta cicatrix
 Ingratum fabri stridorem dentibus edit.

Jam præit hic cursu melior, jam tardior idem
 Prælapsi aspectat tergum; mox impetus omnes
 Æquus agit, junctisque advectat frontibus unâ
 Grande super speculum. Pedibus sua quemq; reversis
 Sub glacie *Effigies* labens comitatur, & instat
 Mima, laborantem simulans; pariterque volando
 Contendens, famæ spe certat, inanior ipsa.

Est campi ad fundum (campo sese intulit unda,
 Non minus opportuna solo, quam commoda ludis,) *Fraxinus*:
 haud illâ pecori data gratior arbor,
 Si pluât, obtendens tegmen; si ferveat, umbras:
 Hanc signum statuere, fugam quo vertere scirent.

Jam spatium emenso redeunt præmia nisu
 Prima petunt toto: & sudores frigora vincunt.
 Ut primam ad palmam subeunti turba faventum
 Circumsusa fremit! deince unâ proxima bini
 Corripiunt spatia; at victoria, frontibus æquis
 Indiscreta, dedit talis discernere litem.

Cunctantes reliquos pudor increpat : ultimus ægra
 Lapſu genua trahens, & foedas ſanguine nares
 Saucius, his riſum movit, miſerabilis illis
 Triftitiam: doluere boni, riſere maligni.

Tu foelix *Batavum* regio; Tu, frigoris uſa
 Sævitiæ, noſtros vertiſti in ſeria ludos.

Te procul æratis mercatum calcibus urbes
 Ire juvat: paſſim circum ſua rura vagantur
 Agricolaë, quondam ſua, nunc communibus una
 Vincta gelu facies discrimina ſuſtulit arvis.

Lactis onus portans ancilla in veſtibus ulnas
 Implicuit, neq; opem dextræ mulctrale popoſcit:
 Præque diem veniens enavit ad oppida sæpe
 Cum calathò, pretiumque fugâ pedis attulit ovis.
 Quiſquis es, innantem juvenis fuge; purpura malas
 Veſtiit, urbanis pallorem auctura puellis.

Siquis ab uſq; *Hagis* promiſerit advena *Leydæ*
 Adfore cœnatûm, voti reus, ære fidelis
 Suppoſito pes nulla coquis convicia movit.

Curſibus his vitam tumulo differre propinquam
 Conſuevere ſenes: à tergo Tempus anhelum
 Nequicquam curvâ tendit comprehendere falce.

Quà procul amoto patiuntur ſole quotannis
Lapponii longas hyemes, noctemq; trimèſtrem;
 Quà nix aggeribus montes inſternit & arva,
 Cæcaque fallentes pecudum veſtigia foſſas:
 Illic quiſque pedum plantis tabulata viator
 Subligat, in medio firmans veſtigia ligno,

Ac lato discit labentia trudere conto.

Insistens super his, campos impune nivales

Transvehitur, contoque viam quâcunq; ministrat;

Sive ad templa ferat responsis prædita cæcis

Cymbala, & increpitans cunctantem *Dæmona* plec-
trum:

Seu volet intentus venatu, & spicula damis

Ingerat: interea cursu dum ligna tepescunt,

Attritæ niveam tabulæ calor æquat arenam,

Incurfuque vias signat. Ceu lintea quando

Abluta, ad solem ficcantem expansa rigescunt;

Planâ trahunt retrahuntque super prælonga puellæ,

Ferrea, sumpta focis: rugasque ubi delet eundo

Dextera, tot subtus ferri vestigia fumant.

GALLORUM PUGNA.

QUA læva *Oxonii* confinia gurgite sacro
Charvellus pater ambit; (eo meliora flu-
enta

Nec Pindo cecidere, nec Aoniâ Aganippe:)

Haud procul in Circi faciem veterisve Theatri

Stat domus: extructis populum capit ordine terno

Confessus Caveæ cuneis: quid si obsita culmo

Tegmina? prima pares texere palatia culmi.

Stat

Stat super invigilans vento revolubilis ales,
Et circi simul, & spirantis nuncius auræ.

Huc & nota dies, & pugnae fama futuræ,
Excierat populos: cum gallus grandior annis
Procedit pugnando habilis; nam vertice cristam
Sustulerat forfex, operosaque tegmina colli.
Fert galeas hominum timidum caput: arma levandis
Ictibus hunc gestare vetant innata cupido
Laudis, & ex longo servatae in praelia vires:
Nam neq; quo primùm liquisset amabile stercus,
Gallinae amplexum, aut solitos tentaret amores.
Sic vacuâ senior secum spatiatur arenâ,
Arduus, alta tuens: fastus comitatur euntem.

Nec mora: progreditur levibus contra alter in
armis,

Insignis genus: hic & avos numeraret avorum
Altius; haud melius quisquam perruperat ovum.
Seu satus urbicolâ Gallo, five horrea juxta
Ruralem paleam, & vacuas calcasset avenas.
Illi etiam ferrumque alas pennasque fluentes
Finxerat ad pugnam: non una in corpore toto
Pluma stetit turbata situ, aut intonsa pependit.
Sed quia nec dudum ad talaria lethifer unguis
Ætatis dono extiterat, necis arma vicissim
Sufficit Ars: eadem illa globos tormenta; finxit
Crudelis; Parthis eadem prius extudit arcus
Fata retorquentes, & tinxit felle pharetras.

Protinus extenso collo concurrat uterque

Cum

Cum sonitu, paribusq; argenti fulgurat armis.
 Nunc ruit hic flagrans irâ, nunc mutuus alter
 Infiliit; nunc unâ ambo, junctisque feruntur
 Pectoribus, pugnaeque æquatâ sorte recedunt.
 Stat Minor obliquans oculis vigilantibus hostem,
 Si quâ aditum plagæ videat; seque impete toto
 Conjicit in collum alterius: nec segnior ille
 Procumbens, ictum submisso vertice lufit.
 Irritus hic voti, magis in certamina plumis
 Sæviit arrectis: urit senioris ab ictu
 Effugium; assultus iterum cui tempora circum
 Nequicquam ingeminat, saltuque supervolat alto.

Ægriùs hinc fessis luctâ & pendentibus alis
 Certatur: jamque ille datâ vestigia caudâ
 Corripuit; jamq; huic tergum fuga vertit inerme:
 Imposita alternas mutat victoria lances.
 Non fecus ad Simoentis aquas Xanthique fluenta,
 Cum summas Asia atque Europa sub Ilio alto
 Orbis ob imperium duxêre in prælia vires:
 Hàc fugiunt Graii, flexisque feruntur habenis,
 Hàc Phryges; à tergo fugientibus acer Achilles
 Fulminat: at tandem versis se frontibus unâ
 Implicuêre acies, pugnaeque inerudit horror.

At minor incassùm saltus nè effundat, in ungues
 Constitit arrectus; quâ cristam desuper hostis
 Comprendat rostro: surreptum à vulnere velox
 Sustulit inferior caput, alternoque superne
 Increpuit morfu: sic artem elusit uterque

Alterius, variansque vices inhiantia rostra
 Commovet in numerum, levia ac ludicra rependens
 Vulnera, dum morsus frustratur anhelitus ægros.

Tum senior, quantum pedibus non invidet ætas,
 Canitiem servare fugâ ratus, abdere sese

Huc aggressus & huc turbæ inter crura: repente

Dedecus ulcisci juvenes, inflectere collo

Degenerem, ignari vitæ; quam frigida merces

Gloria, vel quantum possit suadere senectus.

At crurum latebris depulsus colla sub alani

Injicit alterius, furatus ab hoste salutem,

Qui neque contingat talis nec acumine rostri.

Non secus in trivio pueris cum pugna duobus

Conferitur, si sit denso minor obrutus hostis

Verbere, complexus medium, affixusque sub armo,

Ictibus averſam faciem tenet: alter ad aures

Crebra ferit, circumq; comas, mentumq; subacto

Pugno agitat: monet hunc complexu hæerere tenaci

Tecta retro facies, & dentis cura tuendi.

Quin ubi nulla fugæ patuit via, nulla sub alis

Præſidia; excuſſumque hostis calcaribus urget

Plurimus, insultans pulſo: ſtat nomen inulti

Nunquam impune pati, cujus tot ſemper amores

Gallinæ petiêre ſibi, cui paruit omne

Stercoris imperium, pullorumque annuus ordo.

Converſum ad pugnam miſtâ pudor aſperat irâ:

Terq; quaterq; furens cum denſis iſtibus arma

Congeminat, circumq; apicem & labefacta minoris

Colla;

Colla; nec absistit, donec sub gutture linguae
 Infima, quâ rauti format discrimina cantûs;
 Trajectis hiscunt telis: invisa puellis
 Mane salutatis vox & sua vita recessit.
 Per caveam amissum cum murmure transvolat aurum,
 Transvolat argentum: victis injusta jacentem
 Opprobria in volucrem vacuae traxere crumenae.

F U N A M B U L L

EST locus *Oxonii*, quâ jura Senatus in aulâ
 Consiliumq; legunt; cultumq; à plebe re-
 poscunt

Traeta supercilia, & pastæ sapientia barbæ.
 Huc sua *Schænobates* cum mimo ludicra cœtu
 Intulerat: tabula in foribus suspensa fluebat,
 Eminus ostendens juvenem per inania cœli
 Ferre gradum acreum, & tenso percurrere funes.
 Rectâ ingens lorum medias excurrit in ædes,
 Fulcra super transversa situm: connexa volutat
 Hoc rota, quæ magis aut premat, aut ubi jussa, re-
 mittat.

Musicus interea strepitat præludia luscus,
 Aut fidium appositâ discrimina corrigit aure.

Postquam

Postquam supremum increpuit tuba, cardine verso
 Ostia clauduntur, cunctiq; sedilia captant.
 Nec mora conscendit tensum Funambula lorum,
 Nuda genu, teretiq; manus onerata bacillo:
 Hæc, simul ac monuere fides, interrita finem
 Tendit ad adversum; deinceps vestigia retro
 Observata legit, gressusque effingit eundo.
 Et nunc radit iter placidum, nunc saltus in auras
 Abstulit elatam; molli nunc reddita lapsu
 Defluit, & fertur per linum passibus æquis.
 Protinus ingressu finito, imitata cadentem
 Incidit in femur: exclamant; sursum ocyus illam
 Recta percussam levat in vestigia funis.
 Tum puer ex aliâ conscendens parte, choreæ
 Addit se socium: ne verò obliqua tuentes,
 Transversisq; oculis errantes occupet error,
 Alterum in alterius vultum defixa tenere
 Lumina, par ambos vitæ discrimen adegit.
 Unus inest gradibus tenor, unus saltibus ordo:
 Nam reditus aliter fractos pedis impare pulsu
 Perderet, obtusoq; resurgeret impete lorum.

Ambo modos servant simul, adversisq; propinquant
 Frontibus: ambo gradus relegunt, seseq; recedunt
 Spectantes, & vera cient simulacra procorum;
 Et lino similes repetunt trepidante choreas.
 Non alius telam super est ingressus Arachnes,
 Siquando sua fila perambulat, aut ubi muscæ
 Læta domum trahit exuvias; sic rete tremendo

Adjuvat ingressum, plantæque reverberat ictus.

Jamque assurgentis lorum sub mole magistri
Curvatur, longo librantis corpora conto.

Ille, pedum plantas humeris infantula summis

Cum semel aptarat, gratum ad laquearia pondus

Erigit insurgens: sic cum puer Herculis altis

Fessus Hylas humeris infedit, Divus onustus

Deliciis, vastâ peragrabat Mænala clavâ.

Idem ambos fert motus, eundem lumina uterque

Dirigit ad finem: curam hic partitus, & infra

Gressibus invigilat; supra, ne quo impete pondus

Succutiat turbetq; situ. Haud minus illa superstans,

Dimensa ad numeros domini vestigia sentit,

Agnoscitq; gradus, & ad omnem conscia saltum

Respondet, fruiturque alienâ invec̃ta choreâ.

Ecce super lorum, trabibus quod laxius hæret,

Perfectumque suo se pondere ducit in arcum,

Horrida se facies aperit; genus Indica virgo,

Lanea cæsariem, nares depressa patentes.

Illa sedens, linum palmis complexa duabus,

Concitat in gyros sese, latosque per arcus

Alternis revoluta, diu cum turbine utròque

Transvolat, imbellis rapido se sistere cursu.

Jamque caput vertens, duplicato poplite adhæret,

Dimittitque manus; & jam delabitur imis

Juncta pedum digitis, & prono vertice pendet.

Verfaq; ut hâc illâc agitur, sibi visa supinam est

Susplicere ad turbam, & capita in divexa ferentem.

Se putat immotam consistere, & incita circum
 Cum populis ultro citroque sedilia ferri.
 Sic homines revoluta polis hominumq; labores
 Circumfert tellus, solemque diurna revisit.
 Nos ipsum excimus contra, centroque refixum
 Fingimus assiduos circum nos flectere cursus.
 Nunc premimus sub aquosam hyemem, hinc ad si-
 dera Cancri
 Tollimus: Ille situm tenet, æternúmque tenebit.

MACHINA PNEUMATICA.

DICITÉ, qui pressis Elater sub partibus auræ
 Indomitus resilit, quænam majora cupido
 Diffluere in spatia, & molles extendere
 floccos;

Cur premat immani tentantùm pondere dextras,
 Dicite Pierides; neq; enim auræ, causa sonorum,
 Vos latet ingenium; quâve indole surgit in octo
 Murmura, disparibus cithararum concita nervis:
 Cur gratum in lituo revoluta remurmurat; aut cur
 Susceptâ in calamos, quot prona foramina pandit
 Fistula, se totidem demittunt ordine voces.

Quisquis es, invertas hyalum, cui gluten ad oras
 Invigilet, ne quâ subvenerit advena furto
 Spiritus; & circum spiramina firmitus obdat,

Quàm juvenum occulti cerâ signentur amores.

Cura sit, in faciem campanæ ut curvet in arcum
 Sese vasis apex: conflatum vertice plano
 Si foret, in summum labentibus impete recto
 Particulis auræ se centum in frustula solvet.
 Contra ubi convexum super irrumpentibus offert
 Tegmen, in obliquum versos diverberat ictus.
 Quo magis incumbens aditum perfringere quærit
 Aura, magis vitro (firmato fornice circum
 Undiq;) consurgit vigor, augeturq; premendo.
 Ceu puer in sylvis nucis impenetrabile tegmen
 Durius impressis cum frangere dentibus instat,
 Sæpius ad fines validè premit, inde volutat
 In latus; at contra morsum servata figuræ
 Præsidio, incolumis demum nux faucibus exit.

Primum age, qui credas expertem ponderis auram
 Surgere sponte suâ, coeloque advolvere fumos,
 Se saper os vasis manus, ah! malè credita, sternat;
 Irruet ac captam sub pondere deprimet aer,
 Firmior & manicis, visco & fallente volucres:
 Fessus in obliquum tractam subducere palmam,
 Fessus ab excussâ lætabere mole levare,
 Dogma petens dextræ pro libertate pacisci.

Subde vetus pomum, naso fastidia cujus
 Fert odor, ad dentes mittendum munus aniles;
 Aere subducto quantam se pellis in alvum
 Efferet! admissò rursus collecta juventam
 Exuit, inque omnes rugas delapsa recedit:

Denique

Deniq; ut attenuat magis, aut magis aera densat
Antlia, respondet pomi mutabilis ætas.

Est liquor argentum referens nomenq; genusque,
Cætera dissentit: tractando in mille fatiscens
Frustrula, dilapsu digitos eludit habentum:
Si dextram immergas, miranti sicca redibit.
Cudî in nummorum fugit intractabilis usus,
Fœda ministeria: at morbos, pestemq; lucmque
Submovet, & dubias centeno nomine febres.

Impositus speculis adversa reverberat ora,
Mimus adulator; procul absint mane puellæ,
Languet in hesternis quibus illita purpura malis.
Hic liquor, assiduos hominum fœcundus in usus,
Se clausum in tubulo varia ad libramina transfert
Aeris ad monitus: surgens, si siccior æstum
Concipiat; recidens, si cogitet humidus imbrem;
Quid feret, Agricolis consultus nuntiat humor:
Hæc benè sub dio: sed subter inania vitri
Cum se claustra tulit, patinæ petit ima relabens
Stagna liquor deses, spirantis & immemor austri,
Immemor augurii: quin protinus obijce verso
Aera restituas; rursusque ad summam resurgens,
Fatidicum agricolis reddet responsa metallum.

Hinc in seminibus se prodidit insitus aer,
Scilicet exhausto positæ sub vase tumorem
Concipiunt viciæ, ventosæque pisa laborant.
Diffiluere fabæ, & circum lusêre coactis
Saltibus inflatæ glandes & anhela lupina,

Turgi-

Turgidaque intensas rupere legumina pelles.

Multa per humorum se miscuit aura meatus :
Hinc tumet in vacuo Cerevisia, & impete cæco
Spumea stridentem ruptis vomit utribus ampem,
Concavaque exiliens pulsat laquearia suber ;
Hinc tepesacta cyphi labiis super æstuat unda,
Spumam sponte legens, & in auras frigida fumat.

Quid memorem, ut *Vacuo* sonitus franguntur ;
ut ægram

Nequicquam exercet Felis moritura querelam,
Heu sine teste dolens? Campana ut vertice summo
Pendula, cum clarum promiserit icta sonorem,
Exiguum arrectas murmur frustrabitur aures?

Ecquid in angusto muscæ thorace laborat
Pulmonum, exiguis efflantum follibus auras?
Vidi ego, cum terno se verterit antlia ductu,
Nescio quæ captam vertigo à vertice vitri
Detulit in caput : ut suus angit anhelitus ægram
Corda levans, sudorque omnes suus occupat artus!
Nequicquam instrepuit, nequicquam vela tetendit
Serica, sollicitans auram: creberrimus alæ
Nil tremor exploret venti, nil murmuris edat.
Haud secus illudit nautis pater Æolus alto,
Cum Zephyris subito positis retinacula laxos
Demisere sinus, & inertia carbasæ pendent:
At Deus huc atque huc incassum lora trahentes
Ridet, & obversis quærentes flamina velis.

Ostrea, visa quibus lethi discrimine parvo

Abfore

Abfore, semianimisque trahi penuria vitæ,
 Aeris haustus alit: viden' illud ut ostia testæ
 Clausa premat, curvasque trahens emuniat oras,
 Contemnensque dolos, & inexpugnabile cultris!
 Protinus in vacuo spirandi cogit egestas
 Oblitum cultri fauces præbere patentes,
 Et moriens toto ventos implorat hiatu.

Quæ mare, quæ terrasque colunt: opus omni-
 bus aura est;

Quâ sine nec superesse datur: quam quærere in horas
 Rusticus observat sub mota cubilia talpas.
 Te formica vocat latebris, & mane per hortos
 Vermis humum rumpens: Te fumo impletus amaro
 Coetus apum quærit clausas alvearis ad oras,
 Inter opes moriens: Te pisces, gurgite summo
 Faucibus extantes siccis, cum torruit æstas;
 Te cum vinxit hyems, ruptâ petiere lacunâ.

Cum tamen hæc tenues animalibus Antlia vitas
 Abstulit, extinctis contra immortale sepulchrum
 Sufficit, exclusisque intacta tuetur ab auris.
 Scilicet hæc subtus sacraria sicca repostis
 Spirat in insectis facies prior, æmula vitæ,
 Infidet & semper fuga cœpta rigentibus alis.
 Mortua jamdudum strepitantes tendere pinnas
 Velle videtur apes; & inanis aculeus horret,
 Ac ubi felle tumens fucos tremefecit inertes.
 Serpentum exuviis siccatis sibila vixdum
 Absunt: exanimæ mansit suus horror Arachni,

Immi.

Immisitque fugam venientibus arida muscis.

Inventum hinc fructus in brumam condere vernos,
 Insolitum hybernis mensis decus: hinc pyra clauso,
 Pomaque servantur mensas visura nepotum:
 Hinc rosa vulsa diu retinet crescentis odorem,
 Bimaque contendit pendentibus uva racemis.

Ad SOMNUM.

O Dive, ramum rore papaveris
 Lethesve tinctum, ter super aut quater,
 Sub noctis extremum vocanti,
 Tempora concutias; nec aures
 Pullentur: inter somnia dum Chloë
 Per prata ducat, per fluvios fugax:
 Capella ceu pastis per herbam
 Cum sociis studiosa ludi.

F I N I S.